



Peperiksaan Akhir  
Sidang Akademik 2018/2019

Jun 2019

**JMK101 – Pengantar Kesusasteraan**

Masa: 3 jam

---

Sila pastikan bahawa kertas peperiksaan ini mengandungi **TIGA (3)** muka surat yang bercetak sebelum anda memulakan peperiksaan.

Jawab **SEMUA** soalan di Bahagian A dan pilih **DUA (2)** soalan sahaja daripada Bahagian B.

Baca soalan dengan teliti sebelum anda menjawab.

Bahagian A diperuntukkan 40 markah dan Bahagian B diperuntukkan 60 markah.

**BAHAGIAN A** (40 markah)

Jawab **SEMUA** soalan.

1. (a). Terangkan takrif kesusasteraan mengikut pandangan R.Wellek dan R. Warren yang termuat dalam buku *Theory of Literature*.  
  
(b). Huraikan maksud karya agung dalam konteks definisi kesusasteraan yang diutarakan oleh R.Wellek dan R. Warren.  
  
(20 markah)
2. (a). Bincangkan tiga (3) perbezaan antara puisi dan prosa.  
  
(b). Bincangkan tiga (3) perbezaan antara kreativiti yang bersifat kolektif dan yang individualistik.  
  
(20 markah)

**BAHAGIAN B** (60 markah)

Pilih dan jawab **DUA (2)** soalan sahaja.

3. (a). Huraikan cakupan bidang kesusasteraan.  
  
(b). Apakah yang dimaksudkan dengan naratif? Bincangkan kedudukan pantun dalam konteks naratif.  
  
(30 markah)
4. Bincangkan persoalan yang ingin disampaikan oleh Ali Jusoh dalam novel *Suami*.  
  
(30 markah)
5. Pada pendapat anda, mengapakah Sulaiman dalam novel *Harga Sebuah Maruah*, karya Azizi Hj. Abdullah tidak sehaluan dengan adiknya, Hijrah dan ibunya dalam mempertahankan tanah mereka?  
  
(30 markah)
6. Bincangkan tema perpaduan yang diutarakan oleh Usman Awang melalui sajak "Anak Jiran Teonghua". Rujuk lampiran.

...3/-

Anak Jiran Tionghua

BEGITU kecil ia berdiri di tepi pagar  
kilat matanya memanggil Iskandar  
siapa lalu siapa berkaca  
melihat keduanya bergurau senda.

Anak Tionghua kelahirannya di sini  
di bumi hijau ladang-ladang getah dan padi  
ia bisa bercerita untuk siapa saja  
di sini tanahnya dan ibunya bersemadi.

Lihat mereka sedang berebutan pistol mainan  
he, jangan berkelahi  
ah, anak-anak dengan caranya murni  
berkelahi untuk nanti bermain kembali.

Lihat mereka tertawa riang  
Ah Chew tak punya gigi sebatang  
Iskandar mengesat hingus ke baju  
sekarang mereka menunggu aiskrim lalu.

Bumi tercinta resapkan wahyumu  
jantung mereka adalah langitmu  
darah mereka adalah sungaimu  
nafas mereka adalah udaramu.

Usman Awang  
(*Puisi-puisi Pilihan Usman Awang 1987*)

- 0000000 -

- 0000000 -

...5/-